

Ol lo bilong piswok i senis pinis

Fair Work Commission i wokim pinis disisen long senisim ol lo bilong piswok long Horticulture Award stat long Epril 28 2022.

Yu wanpela wokman wokmeri bilong piswok long Horticulture Industry? Yu ken lukim daunbilo na painimaut wanem kain senis bai kamap long yu.

Dispela senis em i toktok long wanem ol manmeri?



Ol wokmanmeri bilong piswok em Horticulture Award i karamapim ol. Ol piswoka em ol woklain we i save kisim pe bihainim namba bilong pis ol i bin mekim. Olsem: ol bai lukluk long hamas ol samting wokman i pikim, pekim, katim o wokim na ol i makim hamas pei ol i mas givim.

Wanem taim dispela senis bai stat?



Dispela senis bai stat long fes haptaim bilong givim pei long Epril 28, 2022 o bihain long en.

Wanem ol senis bai kamap?



I gat garenti olsem ol piswoka bai kisim liklik mak bilong pe.

Ol piswoka i gat wanpela liklik mak bilong pe we ol bai kisim. Dispela em i min olsem ol wokmanmeri bilong piswok i mas kisim pei i **antap moa** long:

- moni mak ol i makim long wok bilong de long pis reit; o
- moni mak we ol i inap long mekim long wanpela de bihainim reit bilong aua, dispela em i reit bilong aua (wantaim kesuel loding) aninit long Horticulture Award multiplaim wantaim namba bilong aua we ol i bin wok long dispela de.



Nupela piswok rekod

Ol piswok rekod i kisim ples bilong ol piswok agrimen. Employa bilong yu i mas givim yu piswok rekod ol i sainim pinis long en **bipo long** yu statim piswok.



Nupela rekod bilong taim na reit

Ol employa bilong yu i mas wokim rekod bilong hamas aua yu wok long wan wan de na ol pis reit i stret long ol dispela aua.

Mekim ol rekod bilong yu yet

Yusim [Record My Hours app](https://www.fairwork.gov.au/app) (fairwork.gov.au/app), em app bilong mipela i no gat pei, bilong wokim rekod bilong hamas aua yu wok na hamas ol samting yu kamapim (olsem kisim, pekim o katim).

Hau mi ken painim moa infomesen?

Yu ken painim nupela infomesen long ol lo bilong ol piswok agrimen sapos yu lukim [Horticulture Showcase](https://www.fairwork.gov.au/horticulture) long [fairwork.gov.au/horticulture](https://www.fairwork.gov.au/horticulture) na lukim tu [subscribing to our email updates](https://www.fairwork.gov.au/emailupdates) long [fairwork.gov.au/emailupdates](https://www.fairwork.gov.au/emailupdates)